

中國方志叢書·華北地方·第三二四號

據清·呼延華國纂修
清·乾隆二十八年修官報書局排印本

影印

甘肅省

狄道州志
(一)

成文出版社有限公司印行

狄道州志序

志乘所以紀往蹟詔來茲俾立政者有所鏡而施故於因革廢興之際加詳焉矧郡邑聿遷州治初立其攸繫攸屬爲尤重志之作洵要務已狄道溯秦漢以來歷爲附郭邑我

皇上御極之初特允廷臣議用撫土者之請以臨洮郡移置會城升狄邑爲州治其境垂二紀於茲矣先是司牧者將易府志爲州乘屢未就呼延州牧輒復蒐輯排纂以竟厥緒屬余量移晉省俶裝戒途亟呈其副本來請序余謂志之難作豈繁無文大凡考據欲精弗精弗信論定欲確弗確

弗傳若第取所謂郡乘者增新焉易名焉而以號於人曰
此州志州志云乎哉是編決擇綦嚴別有體例而於邑甸
文物都會典章亦庶幾靡所遺闕且更易數手而今乃成
帙可不謂用心之勤歟抑吾聞人以文傳者不若文以人
傳狄之官自昔倅以上無論論其在邑者竟若以前明謫
尉椒山楊公爲最彼如置學田創書院復開煤山永爲士
氣民生所利賴宜其謳思至今卽觀辭帖諸篇亦猶生氣
凜然不可磨滅何哉官不在崇卑但以實心爲實政而無
復計功邀譽之思所謂一命之士存心利物於人必有所
濟也信夫方今

聖明在上吏道澄清士君子握符綰綬得一州而治之更可以
爲所能爲夫朝下令而夕逮於民者惟親民之吏苟實心
任之當必有越軼前徽垂光典冊而不徒斤斤於毫楮間
與文士競短長者余雖逃聽所欣願焉已瀕行爲之披閱
一過書數語以歸之并以爲勗

甘肅巡撫調任山西巡撫兼管提督節制太原城守尉兼
理雲鎮兵部右侍郎明德謹序



此州志州志云乎哉是
文物都會典章亦庶幾
豐靈龜兵符本皆漢民
甘肅巡撫開刊山西巡
一書書院部以錄之其
典文士錄其書余雖不
君之當必自勉勉而
魚池猶為大國不令而
聖朝亦世受盛治士



狄道州志序

狄之爲州閱二紀矣長安呼延牧於斯始爲州志請正於
余而問序焉余竊惟古君子之忠也舊政必告於新尹然
政有時而或息告有時而不能盡孰若書於冊而世守之
永永勿替也是以郡國有圖方物有記其大者疆域以均
井里田賦以杜侵漁水利食貨遂其養官師學校育其才
由此分門別類綱舉目張無非厚生利用一道同風以臻
郅治之隆志之與政固相須也矧狄爲邊圉之地明季劇
遭兵燹我

聖朝興斯民享太平之福已百有餘年

聲教暨訖軼越千古若非授簡陳辭惠鮮懷保之盛何以昭
垂於邊氓蓋於茲方之吏有厚望矣而尋常記載非樸略
不詳則泛引寡要求其參互考訂足以信今傳後如徐健
菴韓慕廬之於

大清一統志憂憂乎難之不圖是編於分野析井鬼之殊於建
置剖秦之臨洮漢唐之隴西同名而異地於官制兵賦備
列朝之掌故乃以見我

朝制作之善於紀事詳累世之屯防吐蕃之順逆乃以見我
朝之不賞而勸不怒而威如此其深且厚也以及山川城池
之帶礪名宦人物之彪炳下逮物產藝文之繁賾莫不條

分縷晰該於今而不疎於古維有府縣志秀水沈公未定
稿而事增於前文省於舊詳其體例規撫山經域志三通
二十二史之間以步驟徐韓二公洵方州之文獻已獨是
坐而言者起而行君恂恂儒也豈徒馳騁筆墨哉必有以
見之實事措諸施行一一於是編相符契則所以上報

國恩下慰余望者殆以是編爲左券余將拭目而觀厥成焉
時

乾隆二十有八年歲次癸未三月上巳撫蘭使者葉河常
鈞序

敘

予自弱冠受書在諸生列卽供館殿鉛槧之役閱十餘年
參藩關中適遭

朝命修輯省志節使問途於已經畀余編纂殫心三年幸學
習進士需次明經十餘人成書百卷進呈

乙覽而其時關中郡邑志乘殘缺檄修補葺者又有十數部皆
手自點竄惟甘肅別析行省議請分修故不在余所纂之

列癸丑夏

青奉

命西駐酒泉筦軍鑰因得悉覽河湟隴右之山川形勢風土人
情顧以公務倥傯未暇也迨乙卯丙辰

廷議撤兵守土行臺使相徐議休養生息而予爲蜚語所搆
却掃一室朝夕與經史爲伍寓金城者九載改移府治於
蘭升狄道爲州正在余睹記之中於是狄牧蓬萊張君先
後兩典是邦德惠浹於士民授簡謁余曰狄志輯於康熙
戊辰越今將周干支矣且昔邑今州其間

聖化光照循良移易賁其簡陋者夥矣宜有以表章之非公不
文余固諾之而受代牧狄者則余同年友滿城張少君也
亦有同志樂觀厥成促余編錄予惟曩日南登摩雲嶺過
洮陽陟鳥鼠望首陽高躅退遊超然之臺景仰前徽而抹
邦新店溝澮之利大中承德濟齋先生嘗屬余相度則余

於狄志不得辭也乃束閣舊本別購古圖經採掇鈔撮又
採訪狄紳士吳鎮劉維瀨等纂錄稿本徵取狄署六科史
所掌又書增益之離爲四十類編成十二本而復於刺史
張君曰獅之搏狸亦必用全力僕纂狄志不以狄視狄也
猶用纂全陝通志之法式經緯組織具在凡例不支蔓無
罅漏是爲志體生於其地與官是邦之紳士大夫幸鑒余
心俾有裨於治道人心則此志之作不虛也已

乾隆十年乙丑歲仲秋旣望前西安糧道管理西路軍需秀水

沈青崖撰

[Faint vertical text columns visible through the paper]

序

粵稽前代狄道爲用武之地蓋自周東遷卽陷於戎唐季
宋初皆非中國有明之末造幾罹兵燹矣我
國家定鼎以來亦再煩戡定迄今百有餘年農耒而士橫
經共享太平之福其亦念休養生息由於

聖聖相承之深仁厚澤乎廬陵有言宣上恩德以與民共樂刺
史之事也況郡縣更易已越二紀其間政治之以時損益
民生之利弊安在以及賢守令之撫字孝子順孫志士列
女之側身修行與夫風俗淳澆物產豐耗皆守土者所當
留意而典郡以上至大府因地制宜勤求民隱亦將於文

獻是徵志之作烏容已哉歲乙丑觀察秀水沈公因前牧蓬萊張君請創爲州乘未竣事蓬萊君去滿城張君至復請成之雖卒業而未付梓觀其自序束閣舊本別購古圖經採掇鈔撮網羅無遺可謂勤矣而華國竊有說焉志猶史也非兼三長不失之簡陋則流於繁縟太史公取材六經左國世本要必變化從心賈長沙文雄西漢扶風僅取大略蓋高簡有法陳壽以來固已難之矧臨洮之名始於秦而境在今之岷州唐之臨洮郡今爲洮州廳隴西名郡自漢始唐亦有隴西郡乃卽今之隴西且或以爲州爲路爲軍或以郡領縣紛紜更互猝難考詳核之弗精奚以示

後則作志不其難哉獨念幸生無事之時與吾民優遊化
日非若曩者之蹂躪搶攘未遑從事則於公退之暇從容
握管以揚紇

盛朝之雅化表章閭里之遺風餘烈不可謂非千載一時也
用是自忘固陋仍沈公之義類殫心蒐討嚴決擇審體要
庶幾信而有徵爲志州者立嚆矢雖不文其奚辭若夫山
川風物之美因革興廢之迹固亦考鏡之林也罔或忽焉
乾隆二十八年歲在癸未秋八月上澣

賜進士出身奉直大夫知狄道州事長安呼延華國題

